



Arubaanse Courant

ma 26.

DIAMARS 22 DECEMBER 1964

No. 5216.

Actitud nobo di Merca en bista di N.A.V.O.

FATUM
Pa tur bo asegurado
Tel. 1845.

NEW YORK, 22 dec.- President Johnson a duna tur diplomatico y funcionarionan militar di Merca orden pa no haci declaracionnan cu lo por aumenta e conflictonan den NAVO, asina New York Times ta scribi. E president a manda un memorandum pa e con-seho nacional di seguridad cu e siguiente puntonan:

4. No mester ehecuta un tactica di presion riba e aliadonan. Merca no tin interes pa areglojan especial cu un aliado apart of pa pone un termino extremo pa aceptacion di proposicionnan Mericano.

5. E president lo no aproba ningun plan cu no ta laga posibilidad abri pa cada pais alia pa den futuro asocia e comunidad di defensa. Esaqui ta especialmente pa Francia.

E corant ta duna como comentario: "Esaqui no ta nifica un cambio den e politica Mericana, pero ta nifica cu president Johnson ta queda para riba pa su politica worde presenta na e aliadonan, pa consideracion, sin presion pa loke ta tempu, sin rencor contra president De Gaulle of cualquier otro hende cu no ta di acuerdo cu ne y sin amenasanan, cu si un aliado no participa, Washington lo drenta un acuerdo especial cu un otro hende.

Merca ta queda di opinion, defensa di occidente no por reparti, pero ta desea mas un posibel deliberacion den eanza tocante e defensa nuclear. President Johnson lo no aproba un plan di defensa cu no ta aceptable tantu pa Inglaterra cu pa Alemania y lo no acepta un programa cu no a worde

atende prome en detayes cu Francia.

3. E politica di Merca ta anima union na Europa y nada cu worde propone na Washington pa desarrollo di e pacto Atlantico tin mag di worde considera pa un funcionario Mericano como contra di esey.

STIPULACION DI PLAN PA HAFNAN NA BRAZIL

RIO DE JANEIRO, 22 dec.- Nan ta calcula cu presidente Humberto Castello Branco den proximo 48 ora nan lo firma un decreto, den cual e politica Brasileno di mineral ta worde stipula.

Segun e politica un compania Mericana di mina, lo hanja autorizacion pa construi un haaf pa desembarca mineral di Brasil.

Haaf lo costa 25 million dollar. E proposicion en kestion ya hopi man caba ta un fuente di intranquilidad den mundo politico di Brasil pasobra ultra nacionalisman a trata na bloquee e proposicion.

E puntonan principal di politica mineral a worde anuncia pa e corant "Jornal do Brasil", cu hopi blaha ta publica opinion di e gobiernu revolucionario.

Segun e corant gobiernu prome lugar lo duna concepcion na companianan particular pa construccion di haafnan pa desembarca mineral, bou di condicion cu nan no ta hanja yunza financiera di gobiernu di Brasil y cu e haafnan den treinta ta worde entrega na Brasil a pago di danyo di periculo di parti di Brasil.

Ademas companianan particular mester tene reservanan di mineral disponible pa industria nacional di acero. E companianan mester mester forma companianan anonima y pone cuarenta por ciento di e accionnan riba mercado di Brasil.

EISENHOWER:

GUERRA A DURA MUCHU LARGU NA EUROPA

WASHINGTON, 22 dec.- "E exigencia cu president Roosevelt a haci na anja 1943, pa Alemania entrega su mes incondicionalmente tabata un fout, cu probablemente a prolonga guerra cu sesenta of nobenta dia", asina ex-president Eisenhower a declara den un combersacion cu "Washington Post", cual a worde publica diasabra.

General Eisenhower, cu tabata comandante supremo di e trupanan Alia na Europea, ta bisa den e entrevista cu prensa aqui cu nunca prome el a expresa su mes den publico contra e politica di entrega incondicional di Alemania, pero cu den tempunan

aya, tempu cu e tabata comandante supremo, den combersacionnan particular si a presenta objecionnan contra e exigencia. Segun mi e politica aqui tabata especialmente incorrecto pasobra e tabata duna e impresion di ta dirigi contra e pueblonan

en vez di contra e dirigentenan di guerra.

Alemania, despues di e fracaso di su ofensiva den Ardenen (na december di anja 1944), tabata derrota. Pero Adolf Hitler a utiliza e exigencia di Roosevelt pa un entrega incondicional pa laga e Alemannan sigui mas di loke nan tabatin intencion probablemente. Semper mi tabata di opinion cu guerra na Europa a dura sesenta of nobenta dia mas di loke tabata necesario, asina ex-president Eisenhower a bisa.

DECLARACION DI DAMA MISIONARIA

LEOPOLDSTAD, 22 dec.- Dama misionario a declara na Leopoldstad unda nan a yega ayera, cu e rebeldenan Kongoles posiblemente a mata 29 otro misionario.

Soldanan mercenario bou di direccion di mayoor Mike Hoare por a deduci for di cierto indicacionnan cu na Banalia na noord-oost Kongo 16 misionario a worde mata djies prome cu nan a yega eynan.

Un di e dama misionarionan a bisa periodistanan cu el a tende tiramentu ora cu nan a sake y diferente otro sunu for di un cas na Bafwasende unda nan tabata detene.

E no ta quere cu su esposo, y dicsdos otro misionario cu tabata detene na Bafwasende ta na bida ainda. Pero e tres misionarionan mes no a mira eheculcion of cadavernan.

*- President Abdel Gamal Nasser a ricibi un delegacion di Soviet supremo, cu ta bou di direccion di un di e vice premiernan Ruso, Alexander Sjelepin. Sjelepin a participa anteriormente cu Rusia a ratifica un acuerdo pa un prestamo di desarrollo di 252 million-roebel, mas o menos cincuenta-million florin Antillano.

Pronto paisnan Mericano tin autarquia

CIUDAD GUATEMALA, 22 dec.- E progresonan cu a worde haci door di e mercado comun central Americano di cinco pais, e mustra e pueblonan di e territorio masha poco desarolla cu den un futuro no mucho aleja nan lo por existi di nan propio fuentenan di yudanza.

Observadornan economico ta opina cu e cinco paisnan ey, cu pronto lo bira sels despues di afiliacion di Panama, lo por produci hopi di loke ta worde im-

porta actualmente nan mes, mayor parti for di Merca y Europa, si e fuentenan natural worde explota completamente. E aumento di e comercio entre e territorio ta un di e pruebanan mas convincente di e estimulo cu e mercado comun a duna na e economia di e paisnan miembro: Nicaragua, Costa Rica, Honduras y El Salvador.

Den e dies anjanan entre 1952 pa 1962 e comercio di e cinco paisnan mutual a aumenta casi cinco blaha.

Probable e mayor empujo pa e aumento rapido ey den e comercio entre e paisnan den e territorio ey a bini di e convenio central Americano tocante coordinacion di derechonnan di import, cu a worde firma door di e cinco paisnan na anja 1959 na San Jose Costa Rica.

DELIBERACION INGLES POLACO

LONDEN, 22 dec.- E minister Polaco di exterior, Rapacki, cu a yega Londen lo delibera segun nan ta spera, cu miembronan di gobiernu Ingles tocante un proposicion Polaco pa un conferencia Europeo di seguridad, tocante desarme y e relacionnan entre Oost y West.

Asina un noticia for di Londen ta bisa.

Rusonan ta rechaza plannan Mericano

BONN, 22 dec.- E Rusonan a laga sa cu nan no quier ningun contacto informal cu ocidente tocante Berlin riba e base cu ta worde propone door di Merca, Francia e Inglaterra. Circulonan bon na altura na Bonn ta opina cu e contesta di e Rusonan tin un caracter provisional.

Manera ta conoci e tres potencianan occidental na West Berlijn a participa e oficial Ruso di comunicacion den e partiorientali di e ciudad, cu nan ta dispuesto pa pone contactonan informal cu e Rusonan tocante asuntunan cu ta toca henter Berlijn. E oficial Pa-

nin- a rechaza e proposicion ey, a lo menos provicionalmente, asina a worde informa na Bonn. E Rusonan ta considera e status di cuater potencia na Berlin un algu cu a keda for di den tempo di ocupacion y nan ta haye nulo y di ningun balor tan leu cu Berlin oriental ta envolvi.

Nan ta bisa cu Berlin oriental ta un parti di Alemania oriental. Algun siman pasa e Rusonan a laga sa cu deliberacionnan informal entre e cuater potencianan (Rusia, Merca, Inglaterra y Francia a base di mutualidad mester worde tene. Kiko tabata e motibu di sugestion Ruso ey, no ta conoci. Algun diplomatico ta mire como un intento pa keda fuerte na Berlin occidental.

TEL AVIV, 22 dec.- Segun un portavoz militar di Israel a participa, cuater avion cazador cu reaccion a chorro tabata envolvi den un combate aereo cu cuater avion cazador cu reaccion a chorro di Jordania, cu a penetra e territorio aereo di Israel riba "Dode Zee". E avionnan Israelita di e tipo Mirage, a sufri algun danjo leve, asina e portavoz a bisa.

JOHNSON A BAI PASA PASCU NA SU RANCHO

WASHINGTON, -- UPI -- Presidente Lyndon B. Johnson y difrente miembronan di su cabinet a bula awe pa Texas, caminda nan lo pasa Pascu den e establecimiento di jefe di estado y nan lo traha na preparacion di e propuesto nacional nobo.

Prome cu ela bai, Johnson a conferencia na Casa Blanca cu e secretario di estado, Dean Rusk y cu e sub-secretario di estado, George Ball.

Nan ta compronde cu e golpe militar parcial na Vietnam del Sur, a worde considera cu a causa disolucion di e acto consejo nacional di e pais aki.

Den su viaje pa Texas ela worde acompaña tambe door di director di e oficina di presupuesto, e secretario di interior, Stewart

L. Udall y su esposa, e secretario di trabao W. Willard y su esposa; e secretario di comercio Luther H. Hodges y su esposa y e sucesor di Hodges John T. Conner.

TA BENDE

Wagen pa mucha (reiswieg) pa f. 45.--
Wandelwagen (stroler) pa f. 30.--
Radio di sala f. 100.--
Pickup f. 75.--
Tape-recorder f. 75.--

Acudi na: Turkenburg,
Brebastraat 5 (Ponton)
Tel: 2 3 6 5.

COURTESY
+
CARE
+
SEGUROS CARACAS
=
COMPLETE ROAD PROTECTION

BON PASCU

Y

BON ANJA NOBO

Banco Popular Antilliano N.V.

Detencion di un periodista

SANTO DOMINGO -- UPI -- E detencion di e periodista Francisco Alvarez Castellano, director di e revista Humoristica "PUM" a provoca awe reaccion di e Asociacion Nacional di Periodistanan (ANP) y di corantnan EL Caribe y Listin Diario.

Alvarez Castellano a ser detene diabierne pasa, bisando cu na e promer momentu el a viola e ley di expresion y difusion di pensamiento, pero e triunviro Ramon Caceres Troncoso a desminti e version ei awe.

Un comunicado di ANP a califica e detencion di "Irregular y inexplicable", y editorialnan di Listin Diario y El Caribe ta censura e hecho.

Caceres Troncoso a wordu bishita awe na su residencia pa un comision di periodistanan, na cual el a bisa qu e presidente di e triunvirato di gobierno, Donald Reid Cabral, a ordena e detencion di Alvarez Castellano na raiz di e denuncia di subversion.


NOBO NOBO NOBO
NASSAUSTRAT 34

Nos a caba di ricibi tela nobo, e.o. "Whipped Cream", Arnel. For di Suisa bunita tela cu no ta machika, pa cose bistir di fiesta. Tela borda, den bunita color. Brocaat, Kaanchi for di Francia. Tambe bunita tela pa cortina y tela pa bistir di shift, tur na prijs aboul.



KNSM

your line



TELEPHONE 1777-3 LINES

SCHEDULE OF ARRIVALS/DEPARTURES AT/FROM ORANJESTAD.

NAAM: BRED A	DATUM: 24-12-64	VAN: U.S. Gulf ports	NAAR: Curacao, Venezuela, Georgetown.
THERON	26-12-64	U.S. Atlantic ports	La Guaira, Port of Spain, Georgetown, Paramaribo.
PRINS DER NEDERLANDEN	27-12-64	Europa	Kingston
PRINS DER NEDERLANDEN	2-1-65	Kingston	Curacao, Trinidad, Barbados, Southampton, Amsterdam
KREON	2-1-65	Europa	Turks Islands, Nassau, Freeport
ISIS	5-1-65	Canada	Georgetown.

INVESTIGACION DI FAHANAN ESPACIAL VAN ALLEN

CABO KENNEDY, 22 dec.- Merca a lansa un satellite, Expore-26, pa investiga e fahanan Van Allen. E satellite master drenta un orbita elipso, di cual e punto

mas leu ta 25280 kilometer y esun mas cerca 380 kilometer for di terra. Cu e equipo electronico nan lo studia tambe e fahanan artificial di rayonnan X cu a worde crea despues di e prueba nuclear di Merca riba e isla Johnson. E satellite a worde lansa cu un raket di tres piso. Expertonan ta spera di obtene datonan for di e prueba cu lo ta di balor pa e proyecto Apollo pa un vuelo tripula den espacio.

E fahanan Van Allen ta consisti principalmente di electrono y protononan y a worde yama segun e científico Mericano dr. James Van Allen.

HOMBER A CAI DI DI TOREN EIFFEL

PARIS, -- UPI -- Un homber, no identifica, di mas o menos 30 aña di edad ayera a muri ora ela cai for di e toren di Eiffel. Awor ta di 340 persona cua haña nan morto di mes un manera for di dia di e construcion di e toren, ta hasi 75 aña caba.

Ningun hende a weta e homber cai, cu no a laga ningun nota ni documento den su sacunan. Dos muher so ta e unico persona cu no a muridespues di e calda for di e toren, Un di nan a cai riba e di e balkinan despues di a baha bon, y e otro a cai for di e piso mas abau riba dak di un caroshi cu tabata stationa ei.

MIAMI, 22 dec.- Radio Havana a anuncia, cu tres agente di e servicio central di informacion na Merca, a worde ehecua pa un peleton di fuego. Algun otro agente a worde condena na castigunan di prison cu ta varia di un te trinta anja. Segun radio Havanna e grupo envolvi tabata opera den e provincia Pinar del Rio den e parti occidente di e pais.

TERITORIO INSULAR DI ARUBA

Ontvanger di Territorio Insular di Aruba ta participa cu su kantoor na Oranjestad y San Nicolas, cu excepcion pa pagamentu di safario of mandaat, lo ta sera pa publico for di dia 28 di december 1964 te 4 di januari 1965.

RUSIA LO BENDE CUBA 700 MACHIN

LONDRES, -- UPI -- E agencia oficial sovietica di noticia Tass informa awe qu Rusia lo bende Cuba e aña qu ta bini 700 machin di cosecha di sucu, como resultado di un acuerdo comercial suscribi awe na Moscu.

E agencia a bisa qu nan ta calcula e pacto na 9 million rubi (9,900.00 dollar) y a bisa qu Rusia a

entrega Cuba caba 500 machin di cosecha e aña aki.

E sovieticonan ta produciendo awor dos model nobo di cosecha combina di nan propio propulsion esnan qu nan ta spera lo worde ensaya na Cuba den e proximo luna. Un di e machinnan lo worde cohe definitivamente pa e produccion di masa na e isla.

Mucha di siete aña a mata tata y ruman

HIALEAH, FLORIDA -- UPI -- Un mucha di siete aña qu tabata tuma les di conduci e auto di familia a atropella awe su tata y su ruman muher, causando morto di ambos.

Polis a informa qu Robert Brooks a hiba su jiu, su casa y su jiu muher di ocho aña na un playa di estacionamentu desocupa, banda di e hipodromo di Hialeah.

Einan ei a duna su jiu e jabi di e auto, di cual polis no a bisa su nomber, y a keda huntu qu e resto di e famia pa mira con e jiu ta hasi su instruccionnan.

E chikitu a cende e motor y aparentemente el a hanja chens pa e kita e handrem pa buta e auto na marcha, ora qu el a atropella Brooks y Debbie.

E tata a muri mes ora y e jiu muher un ora y mei despues. E mama a resulta fleso.



Look no further...

Yardley make Christmas present buying easy!

There's something for everyone on your Christmas list, at the Yardley counter. Perfumes, toilet waters, soaps, talcs for her. The 'Y' range of toiletries-shaving creams, pre-electric and after-shave lotions, shower talcs, and soaps-for him. What's more, you'll find selections of Yardley gift-packs: all *you* have to do is present them! Make yours a Yardley Christmas-they'll be delighted.

YARDLEY

E favorito di tur cocinero experto naturalmente ta Catsup del Monte



E UNICO MARCA DI CATSUP CU TA WORDU CUIDADO-SAMENTE PREPARA Y ELABORA CU TOMATINAN FRESCO..... SABROSO.... YEN DI VITAMINA..... mezcla cu vinegar di anasa.

Duna bo cuminda e sabor delicioso, diferente y unico cu..

Catsup del Monte

agente pa Aruba

POSNER'S AGENCIES

Wilhelminastraat 68 - tel. 1490.


DE GAULLE TA DUNA CLEMENCIA

PARIS, 22 dec.- President De Gaulle a duna clemencia na 123

persona cu actualmente ta sera pa motibu di accionnan destructiva contra estado. Asina worde participa oficialmente.

De Gaulle a duna e clemencia en conexion cu e dianan di fiesta cu ta serca. Cincuenta otro condenado ahan-

ja un rebaho di nan castigo. E pordon aqui ta separa di e ley di amnestia, cu a worde confirma siman pasa a base di cual hopi di e tres mil hendenan, cu ta presu pa motibu di crimennan durante e guerra na Argelia, lo hanja nan libertad.



e Jee Yasminna ta ballarina di profesion pero den su opu liber ta hasi propaganda e farmernan di California nan promocion di venta di productonan.



MERRY

CHRISTMAS

Christmas Shoppers' Gift Guide

*tur negoshi
mencioná lo keda
habri te 10 or
anochi dia
23 di
december*



KAN

RAGHUNATH
(jewelers)

SPRITZER & FUHRMANN NV.

BON BINI SHOP
(gift items)

PEASANT SHOP
LEO BERLSKI
(discounts)
FANNY'S SHOP
(gift items)

bini y cumpra regalos den Nassaustraat

DE WIT STORES

BATA

ELGA

PALAIS ORIENTAL

(new dresses, italian shoes)

CH. VAN EER
(jewelers)

PALAIS ORIENTAL (gift items)

EVA BOUTIQUE

PLAYALUX (ladies items)

ARUBA TRADING CO.



Bida di lider campesino ta na peliger

MONTEVIDEO, -- UPI -- E dia-rio Izquierdista "Epoca" ta bisa cu bida di e lider di bondnan di campesiao, Francisco Juliao ta na peliger.
Segun comentarionan cuta corre, Juliao su salud ta malu, door di maltratonan cu e la haña den prison.
Di acuerdo cu e mes un fuente, e secretario general di e Partido Socialista uruguayo, Doctor Jose Pedro Cardoso, cu ta dokter, a solicita varios lunanan caba pa bishita Juliao, den prison, reali-sando e gestonan aki door di e embahada brasileña na Montevi-deo.
E dokter Cardoso no a haña con-testacion y e ta interpreta cu ta existi un nengamentu di e gobier-no brasileño di permitie di bai Brasil pa duna Juliao asistencia.

TUNIS, 22 dec.- President Bour-guiba a anuncia den un reunion publica na Sousse, 120 kilometer sur di Tunis, cu lo bini medican-nan energico pa kibra oposicion-contra e politica di gobierno pa-establece cooperativanan agri-cultural. Algun dia pasa un gru-pograndi di campesinonan a duna resistencia abierta na e funda-cion di e cooperativanan den e pueblo den cercania di Sousse.

**Fin di anja
ta acercando
atrobe**
asina ta tempo
pa verf bo cas
y
pa verf di calidad
exihi semper
verf marca
Pieter Schoen
E verf pa e clima aki
y te ainda di mas
barata.

Petrona & Croes

(ARUBA) N.V.

Dpt. di construccion
Anasastraat 4- Tel.
2800.



**NUNCA
E TA
VARIA**

**DEWAR'S
WHITE LABEL**

cu

**Bunita Regalo
Pa Pasco y Aña Nobo**

DI BO PA SOLAMENTE:

Emmer pa IJs cu Tapadera - grandi	20 Puntos
Emmer pa IJs cu Tapadera - chiquito	15 "
Cinicro Grandi	5 "
Cinicro Chiquito	3 "
Estatua (Pinta na Man)	25 "
Canica pa IJs of Awa	5 "
Shaker di Cuero y Dauw	10 "
Teblachi di Metal	3 "
Korki pa Basha	3 "
Kalender Perpetua	5 "

NA

N.V. Winkel's Handel Mij.

Valor di Puntos pa Botter:

DEWAR'S WHITE LABEL 2 1/4 Lt.	5 Puntos
DEWAR'S WHITE LABEL 12/1 Lt.	2 Puntos
DEWAR'S WHITE LABEL 24/2 Lt.	1 Punto

HUELGA ITALIANO A PARA

ROMA, 22 dec.- E diesun mil periodistanan Italiano, cu a cuminsa un welga pa tempu illimita, a cuminsa traha atrobe.

A worde participa cu e editor-nan di e corantnan y e federa-cion di periodistanan a yega na un acuerdo.

Ainda contenido di acuerdo co-lectivo di trabao no a worde a-nuncia. Un funcionario di e fede-racion a bisa, cu e salarionan minimo lo worde aumenta cu 12 por ciento, cu mayoria di epe-

riodistanan lo hanja un periodo di prueba di nuebe luna sin siman di cinco dia di trabao y cu dife-rente toeslag lo worde aumenta.

PLAN PA CANAL NOBO ENTRE DOS OCEANONAN

BOGOTA, 22 dec.- Columbia lo continua, riba su mes cuenta, e estudio pa un canal no-bo cu ta comunica Oceano Atlantico cu Oce-ano Pacifico na cual nan lo utiliza e riunan Atrato y Truando den e departamento choco cu ta pega cu Panama.

Asina e minister di obras pu-blicas, Tomas Castrillon, a de-clara na Bogota. E canal ta un-di e cuater posibel nan cu pre-sident Johnson a indica den su-recien mitin cu prensa.

E minister di exterior, Fernan-do Gomez Martinez, ta actual-mente na Washington. E minis-ter ad interim, Alvaro Herran, a declara cu Gomez Martinez lo atende e asunto di e canal nobo cu gobierno Mericano.

Na San Jose e president di Cos-ta Rica, Francisco Orlich, a duna e promesa cu su gobierno lo duna e mayor facilidadnan na Merca na studiamentu di un plan pa un canal nobo riba frontera di Costa Rica y Nicaragua.

E minister Costaricense di ex-terior, Daniel Oduber, a declara cu Costa Rica lo reconoce e a-cuerdo Bryan- Chamorro na cual Merca pa semper ta haya dere-chonan exclusivo pa e usa e ter-ritorio na e frontera entre Nica-ragua y Costa Rica.

* -Segun e corant Al-Joemhoe-ria, e bishita cu president Ben-Bella di Argelia tabata pa haci-na Irak dia cinco di januari a-worde suspende te na otro fecha. Esaki a sosode riba peticion di e president Argelino.


MARTINI

.....made by perfectionists in taste, be-
longs to life's best moments! Chilled,
with soda or on the rocks, you'll taste
with every sip the expert blending

CHOOSE FROM:

**VERMOUTH
EXTRA DRY
SWEET
BIANCO**

Wimco



FUTBOL

ISTANBOEL, 22 dec.- Den un partido internacional amistoso Turquia y Bulgarí a empata sin anotacion na Istanboel. E partido a worde efectua na ocasion di e estadio nobo na Istanboel "Ali Sami Yen". Prome cu e partido tabatin un desgracia, causa door di panico entre e publico, cual a laga 68 persona herida.

CHINES NO KIER ESPECIALISTA MERICANO

PEKING, 22 dec.- China a pidi un especialista Mericanodi orea, cu tabata haci un bishita na Peking e invierno aqui pa eynandemuestra su metodonan nobo riba su terreno, pa por lo pronto e suspende e viaje.

E cirujano, dr. Samuel Rosen, a hanja un telegram di e sociedad medico Chines den cual nan a pidie pa e anula su viaje "pa ciencia y amistad no worde mancha door di e política hostil di Merca contra CHINA".


MISA SPECIAL PA MISIONARIONAN ASESINA

DEN HAAG, 22 dec.- Cardenal Alfrink na Den Haag a ofrece un misa pa e ocho misionarionan Ulandes, cu a worde asesina na Kongo. Premier Marijnen y diferente autoridadan eclesiastico y particular a asisti na e ceremonia. Entre nan tabatin obispo di Paramaribo, mgr. S. Kuypers. Di e mas di 600 misionarionan den e territorio ocupa pa e rebeldenan na Kongo mayor parti ta den seguridad. Te ainda nan no tin sigur tocante destino di mas di 60 misionario. Cardenal Alfrink tene un discurso corticu. E cardenal a declara, cu na lugar di admitti sentimentunan di odio, tur den union cristian quier pensa na esnan, cu a worde asesina y esnan, cutacorriesgu di topa e mesun destino.

E cardenal a dirigi algun palabra na famianan di e victimanan tambe.

* - E corant "Information na Kopenhagen, a anuncia cu Dinamarca a ordena tres funcionario di e embajada Polaco na Kopenhagen pa bandona e pais en coneccion cu spionaje. Segun e corant e tres diplomatonan a sali seis siman pasa for di Dinamarca. E noticia di e corant despues a worde confirma pa e ministerio Danes di exterior.


MALCRIA BO MES PA PASCU CU UN



TELEVISOR SINGER

Nan ta visiblemente superior!

SINGER, mundialmente conoci pa su calidad y servicio, awor ta trecebo televisornan Singer, incorporando e excelencia di disenjo y calidad cual a haci Singer famoso pa mas cu 110 anja caba.



Y ataki Singer su oferta special pa Pas- Un "sew handy" ta facil pa maneha y cu. Ora bo cumpra un televisor, refri- masha educativo. Probecha cumpra awor gradadora of mashin di cose Singer na "touch and sew", bo ta hanja di regalo un mashin di cose "sew handy". E ta SINGER, Oranjestad net bon pa bo joe muher sinja cose ariba. HAVENSTRAAT 7



What's new for tomorrow is at Singer today!
SINGER SEWING MACHINE COMPANY
*A TRADEMARK OF THE SINGER COMPANY

WIMCO

ACABA DI YEGA MAS

RADIO CONSOLE

CREDIT: FLS 575-

Y PRIJS ESPECIAL PA CASH

Corda ariba e GRAN CONCURSO di Wimco 3 x Fls. 350.-- na placa efectivo y ademas regalonan extra.

NOS TA DUNA TRIPLE.

WIMCO



AGENDA

ARUBAANSE COURANT

diariamente cu excepcion di diadomingo
 subscripcion f. 3.25 pa luna
 edicion los 20 ct.
 edita pa:
 N.V. ARUBAANSE DRUKKERIJ
 - en UITGEVERS - en PUBLI-
 CITEITS MIJ.

Imprimi na:
 N.V. DRUKKERIJ
 "DE STAD"

Telefoon 1116 Directiva y redac-
 cion, 2116 Anuncio y subscrip-
 cion.

Director hoofdredacteur:
 D. Wolff.

POR CUMPRAR ARUBAANSE
 COURANT NA E SIGUIENTE
 LUGARNAN:

NA ORANJESTAD:
 BOEKHANDEL MARISKA,
 PIET SODA FOUNTAIN,
 REFRESQUERIA INGRID.

NA SAN NICOLAS
 NICOLAAS STORE,
 UNION STORE.

BOTICANAN DI WARD

Oranjestad Botica Del Pueblo
 Tel: 1253-2154
 San Nicolas Botica San Lucas
 Tel: 5119

CINE

De Veer: 8.30 p.m. "Kapo" 18j
 Rialto: 8.00 p.m. "La Trampa
 Mortal" 18j
 Principal: 8.00 p.m. "Sail a
 Crooked Ship" 18j
 Aurora: 8.00 p.m. "La Furia
 del Ring" 18j
 Savaneta: 8.00 p.m. "Mr. Mu-
 sic" 18j

TELEARUBA

05.30 Children Hour
 06.00 Sir Francis Drake
 06.30 R.V.D.
 06.45 Papiamento Newscast Live
 & UPI Newfilms
 07.00 Bugs Bunny
 07.30 Sportnews
 07.45 Tomstone Territory
 08.15 Highway Patrol
 08.45 English Newscast Live &
 UPI Newfilms
 09.00 77 Sunset Strip
 10.00 The Defenders
 11.00 Sign Off.

RADIO KELKBOOM

07.00 Opening
 07.02 Bon Dia cu alegria (Instr)
 07.30 Noticias Internacional
 08.00 Seleccion Musical cu dis-
 conan Latino Americano
 08.30 Cumpleanos Feliz
 09.00 Noticias Social
 09.15 Peticion Musical pa Tele-
 foon.

10.00 Noticia Internacional
 10.05 Musica Varia
 10.30 Programa di N.Habibe Jr
 11.00 Noticia Internacional
 10.05 Musica Norte Americana
 11.15 Musica Antillana
 11.30 Musica Varia
 12.15 Noticia Internacional (Am-
 stel)

12.45 Noticia Local (Viana)
 01.00 Variacion di Ritmo Latino
 01.30 Mei ora cu Boleros
 02.00 Novela Repeticion
 02.30 Peticiones
 03.15 Ritmos di Caribe
 03.45 La Macorisana & Interna-
 cional Supermarket.
 04.00 Musica cu sabor Azteca
 04.30 Noticia Local (Helneken's)
 04.45 Cocktail Musical
 05.00 Danzones Cubanos
 05.15 Musica Varia
 06.00 Noticia Deportivo (Gillette)
 06.15 Musica Varia
 06.30 Musica para la Cena
 07.00 Noticia Internacional na
 Pap.

07.15 Musica Hulandes
 07.45 Musica Norte Americano
 (Instrumental)
 08.15 Novela (Golgate)
 08.45 Musica Varia
 09.15 Verzoekplaten Programma.
 09.45 Musica Varia
 10.00 Sluiting.

RADIO ANTILLANA

A.M.
 05.30 Manianita Arubana
 05.45 Bai Trabao den Compania
 di Bo Companiero Constan-
 te Radio Antillana.
 06.10 Noticia na Ingles
 06.30 Noticia na Papiamento
 07.10 Noticia na Ingles
 07.30 Noticia na Papiamento
 07.45 Programa di Jule Nieuw
 08.00 Espacio pa un ritmo criollo
 y un poesia.
 08.10 Variedad Musical
 08.30 Musica y Consejo dedica na
 nos amigonan automobilista
 09.00 Noticia na Papiamento
 09.15 Programa dedica na tur ama-
 nan di cas.

10.10 Noticia na Ingles
 10.20 Programa di La Macorisana
 e Internacional super-
 markets
 10.40 Momento di Ritmo
 11.00 Tangos
 11.15 Regalo Musical

P.M.
 12.00 Melodias Antillanas
 12.05 Noticia na Ingles
 12.20 Noticia na Papiamento
 12.30 Noticia na Ingles
 12.45 Capsulas En Orbitas Al-
 rededor di Mundo Deportivo
 01.00 Noticia na Papiamento
 01.15 Fiesta Calypso
 02.00 Lo de Ayer
 02.30 Boleros Romanticos
 03.00 North-American Music
 04.00 La Esperanza y su Obse-
 quio Musical
 04.30 Complaciendo Peticiones
 05.00 Noticia na Papiamento
 05.15 Calypsoorama
 05.45 Calendario Antillana
 06.00 Ora Infantil
 06.15 Musica a Norte Americano
 06.30 Noticia na Ingles
 06.45 Variacion Musical
 07.00 Felicitaciones y complacen-
 do Peticiones
 08.00 Programa dedica na tur nos
 pacientnan den Lago y San
 Pedro Hospital
 08.15 Cont. di Felicitaciones y
 complaciendo peticiones
 08.30 Saludos Reddy Kilowatt (dial
 -diaraz, diabierna, diasabra
 09.00 Musica Latina
 09.15 Programa dedica na nos a-
 migonnan Polis
 09.30 Anioranzas.
 10.30 Melodias y Romance Musi-
 cal.

POSTSLUITINGEN

Anguilla 13.30; Antigua 13.30; Bo-
 naire 15.30; Canada (13.30)(15.30)
 Curacao (9.30)(15.30); Europa (1)-
 (9.30)(15.30); Guadeloupe 13.30;
 Haiti 13.30; Jamaica 15.30; Mar-
 tinique 13.30; Montserrat 13.30;
 Miami Fla (2)- 15.30; New York
 (13.30)(15.30); Puerto Rico (3)-
 13.30; Rep Dominicana 13.30; Ve-
 nezuela 15.30;--

CUMPLEANJOS

Dia 20 di Dec. a cumpli 1 anja
 hobencito Joslien Antony Giel,
 felicitacion ta bini di su mama
 Margarita, tata Jossy, wela Em-
 ma Giel, welo Thomas Webb,
 tanta y omonan, bisawela Julia-
 na Martis, pepe Aida Giel, pri-
 manan Maritza, Mevelijn, Giel,
 tambe di Jolanda, Jossito y
 Viveca Martis, Carmen Rudolf,
 y Jacqueline Danies, amigitanan,
 famia Giel y Webb.

Awe dia 22 di Dec ta cumpli anja
 hobencito Hilberto Paesch, fel-
 citacion ta bini di su mama Tina,
 tata Jan, rumanan Herman, Mar-
 garitha, Bernardo, Rufina, Pablo,
 Rebeca, welo Luis Paesch, pepe
 y omo Maria Geerman y
 Minguel Geerman, tanta y omonan
 prima y primonan, amiguitonan
 di school Cadushi Largo y demas
 famia Paesch.

RADIO VICTORIA

A.M.
 06.00 Apertura, Wilhelmus,
 The Lord's Prayer, Musica
 06.15 E Bijbel Habri
 06.30 Ultimas Noticias
 06.45 Ecos del Cielo
 07.15 Noticias Espanol
 07.25 Llamada A La Conciencia
 07.30 World News
 07.45 Thought For The Day
 07.50 Bo Musica Favorito
 08.15 Joyas del Hogar
 08.30 Ultimas Noticias
 08.45 Musica di Banda
 09.00 Gymnasia
 09.15 Cantican di Evengolio
 09.30 Morning Melodies
 10.00 World News
 10.10 The Bible For You
 10.15 Through The Bible
 10.45 Thoughts on Home
 11.00 Chapel of the Air
 11.15 Melodias di Merdia
 P.M.
 12.00 Ultimas Noticias
 12.15 Musica Sagrada
 12.30 World News
 12.45 Quiet Time
 01.00 Radio Concert Hall
 02.00 Reading Room
 02.15 Songs That Touch
 The Heart
 02.30 Quiet Hour
 02.45 Hymntime
 03.00 Peticiones
 03.15 Ensuenos Musicales
 03.45 Musica di Banda
 04.00 Control Central
 04.15 Ultimas Noticias
 04.30 Listening Post
 04.45 Muchanan pa Criste
 05.00 Canta Leo.
 05.15 Palabranan di Bida
 05.30 Noticias Espanol
 05.45 El Pan De Vida
 06.00 Nederlands Nieuws
 06.15 Christelijke Liederen
 06.30 World News
 06.45 Baptist Hour
 07.15 Off The Record
 07.30 Bible Time
 08.00 Musical Gems
 08.30 Back To The Bible
 09.00 Klassieke Liederen
 10.00 Sign Off.

TRAHADOR ITALIANO TA HUELGA

ROMA, 22 dec.- E periodista-
 nan italiano di radio y television
 a bolbe cuminsa un welga como
 protesta contra e negacion di e
 directiva di radio y television,
 pa aplica e areglo nacional nobo.
 Dos dia pasa e federacion na-
 cional di prensa y e federacion
 di editornan a yega na un acuer-
 do tocante renobacion di e areglo
 nacional, despues cu e periodis-
 tanan a cuminsa un welga pa
 tempu ilimita diabierna. E pe-
 riodistanan di radio y television
 tambe a participa na e welga.

TENSION NA ELECCION DI PRESIDENTE ITALIANO

ROMA, 22 dec.- Na e di seis
 dia di votacion pa eleccion di un
 president italiano e tension cu
 por a worde pronostica, ta den
 plena desarollo. Durante e di
 nueve votacion tabatin algun inci-
 dentenan ora cu e prome delega-
 donan neofacista a pasa pega cu
 e president di e reunion.
 E president, Bucciarelli-Ducci,
 a actua energico pa mantene or-
 den, pero tog diferente delegado
 a sali for di nan asiento, cla pa
 drenta otro. Esaki a worde evita
 door di actitud rapido di e guar-
 dianan di sala. Despues di dife-
 rente yamamentu di e president
 orden por a worde recupera.

FILOSOFO ALEMAN A HANJA LIBERTAD

BERLIN ORIENTAL, 22 dec.-
 Dr. Wolfgang Harich, un filosofo
 Aleman di 43 anja cu tabatin un
 castigo di prison di dies anja
 pasobra parce el a trata na tum-
 ba gobierno di Alemania Orien-
 tal, a hanja su libertad.
 Observadornan di occidente
 ta opina cu e libertacion di Ha-
 rich ta relacion cu e clima po-
 litica un poco mas suave, cu ta
 reina ultimo tempu na Alemania
 Oriental. Nan ta mire tambe un
 sinjal cu e recien cambionan den
 e direccion cumbre na Rusia no
 a afecta e cambio di e clima po-
 litica.

ELIMINACION DI OFFSIDE

(Di Nos Redactor Deportivo)
 Na principio di otro anja lo
 worde hunga un serie di parti-
 donan di futbol, cu lo sirbi como
 experimento pa haci talvez un
 cambio grandi den e regla di
 offside den e deporte aki.
 E partidonan lo ta bao di control
 di FIFA y lo tuma parti na nan,
 equiponan di Inglaterra, Schot-
 land, Italia, Spanja, Portugal,
 Hungria, Rusia y di paisnan Sur
 Americano.
 Dirigentenan di futbol ke trece
 cambio den e sistema di offside
 pa asina por trece mas movi-
 miento den e weganan y kibra cu
 e defensanan fortisimo cu tin un
 gran ayudo den existente regla-
 mento.

Felicidad di un profesor

Novela

No. 9.

Dicon Christoph
 no por pensa, cu varios biaha ta
 e homber tin e falta? Pero ta
 kiko mi ta sinta pensa awor? Mi
 ta kere cu mi ta mirando spirito.
 Pa no laga Christoph tambe bay
 pensa mescos cu ne, e a cum-
 insa combersa cu ne. Dos dia
 despues Hella a bay sercaprofe-
 sor van der Egge. Christoph a
 jama e dokter na telefoon y bise
 cu su senjora ta binlendo, y cu
 gran amabilidad e profesor a ri-
 eibi senjor di su colega. Su ca-
 binete tabata masha moderno. Den
 e salnan grandi tin varios enfer-
 meras ta cana rond. E cuarto
 di espera tabata jen jen. Pero

mesora Sra. Lander a haya chens
 pa bay cu e profesor. "Bo tin
 deseo pa haya un jiu no?" Van
 der Egge ta bise carinioso. E
 tabata tin mas cu 60 anja, pero
 un curpa balente ainda. "Pero
 sin embargo boso no por logra, no
 ta berdad?" "Si, asina mes",
 Hella ta bisa, mientras su cara
 ta bira corra. "Wel, laga nos
 mira un rato, ta kiko tin cu ta
 strobabo. Zuster Irmgard, bokier
 a yuda Sra. Lander un rato?"
 Door di e telefoon el a jama un
 di su ayudantenan, y un enferme-
 ra cariniosa a hiba Hella den un
 otro cuarto, na unda el a yude
 kita su panja. E examenacion ta-

bata mes dicreto cu solido. O-
 ra cu e profesor a caba, e ta sa-
 cudi su cabes. Nan a bay bek den
 su oficina, e dokter sinta tras di
 su lessenaar, y Hella sinta su
 dilanti. "Tur cos ta na ordo?",
 Hella ta bisa, y ta hiza su schou-
 dernan un poco. "Mi no por a haya
 nada, cu ta strobabo boso deseo.
 Bo ta e muhe di mas salud y
 normal den henter mundo. Mi no
 ta kere, cu abo tin algo cu ta
 strobabo bosonan pa haya un jiu."
 "Esey.....esey kier meenanto.."
 Hella ta murmura tur bruha, mien-
 tras nerviosamente e ta hunga cu
 su tas. "Si, esey lo kier meen,
 cu e falta mester ta dibo esposo".
 "Lo ta masha duropa mi haya bi-
 sa miesposo". Cu un mirada roga-
 tivo e ta keda mira van der Egge.
 Esaki ta sonrei cune. "No worry,
 ami lo tuma esey pa mi cuenta.
 Mi sa papia varios biaha cu mi
 colega Lander. Y ta mas facil
 pa papia algo asina, entre hende
 homber." Agradecido Hella ta
 lanta para y ta dune un man.
 "Masha danki, profesor. Mi no sa,
 si mi mester ta contento, cu no
 ta ami tin e falta. Mi tabata pre-
 fera, cu mi tabata tin algo chi-
 cito, cu mester adrechaprome."
 "Si e ta facil", e profesor ta
 bisa mientras e taplooi su frente.
 Algun rato despues Hella ta sinta
 bek den e auto di careda cu su
 esposo a regale dia cu el a haci
 anja. Na caminda pa cas, Hella

tabata masha pensativa y e taba-
 ta sintie hopi intrankil. Entre
 tanto profesor van der Egge a ja-
 ma e cirujano famoso na tele-
 foon. "Hallo mi collega Lan-
 der?" "Ahal Bo a examina mi
 senjora?" "Si, tur cos ta nor-
 maal. E no por ta mihor". "Si
 y kiko mas?" Van der Egge no
 por a mira con nervioso Lander
 ta hunga cu un potlood den su
 dedenan. Pero sin mira esey, e
 por a sospecha. "Mi ta propo-
 nebo, pa bo bin bishitami un dia,
 y pa mi examinaabo", e ta bisa
 cu cuidao. Durante seconde tabata
 reina un quietud doloroso. Pero
 despues Lander a bisa: "Si, mi ta
 kere cu esey mester sosode, co-
 lega van der Egge. Lo mi bin
 serca bo, un di ediananaki". Nan
 a papia algun cos mas y despues
 Lander a sera e telefoon. Ya ta
 basta rato caba e tin para bandi
 e telefoon, ta pensa. Casi sigur
 ta e tin e culpa cu Hella no por
 haya jiu. Y si ta asina, lo bin
 cambionan desagradabel den e si-
 tuacion tristo, aki. Ta con esaki
 lo termina? Henter bo bida largo
 sin por haya jiu. Como muhe,
 Hella lo keda enganja, den su
 derecho natural pa haya jiu. Un
 matrimonio caminda e sentidober
 dadero ta haci falta. Nan felici-
 dad tabat den peliger. Tabata ho-
 pi facil pa e profesor pone tur
 su tino na su trabao. Sin embar-
 go el a logra jega cas cu un cara

imparcial, y muestra un cara ale-
 gre ora cu su senjora a dune e
 noticia. "Tur cos ta normal cubo
 anto! Van der Egge a jamami
 caba. Nos mester ta agradecido.
 Tur cos lo drecha Hella, sola-
 mente nos mester tene poco pa-
 senshi". "Bo no kier...." Hella
 ta purba bisa, pero un pocotimi-
 do e ta kibra su palabra. Pero
 Christoph ta yude. "Si! Mi tambe
 kier bay. Mayan mi ta bay pa
 examina, ya e ora nos tur dos
 por ta sigur".
 E anochi ey Christoph a drumi
 masha poco y e tabata masha in-
 quieto. E spirito di un futuro in-
 felis tabata parece su dilanti. E
 tabata tin miedo pa e examina-
 cion, pero e no por evite. Y
 berdaderamente e no tabata kier a
 evite tampoco. Christoph Lander
 no tabata cobarde. E siguiente dia
 el a keda mas cu un ora den dokter
 Van Der Egge su oficina. Masha
 poco biaha Lander tin tanto tem-
 po pa un asunto priva. E resultado
 tabata doloroso. "Mi no por bisa-
 bo con duro ta pa mi, pa comuni-
 cabo e siguiente", dokter van Eg-
 ge a cuminsa bisa. "Juist pasobra
 mi sa, con grandi e deseo di bo
 senjora ta pa haya un jiu...."
 "Kier meen, cu ta imposibel pa
 nos pa haya un jiu?" Lander ta
 puntra cu un stem dof. E ta sende
 un cigaria y ta hume nervioso,
 mientras e ta evita di mira su
 colega. E ta sigur.....

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.**CASCO KID**

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.


**BUCHI ROBEZ**

pa cortesia di:

PIET'S SODA FOUNTAIN

Tel. 2123.

E mihor adres pa snacks, tur clase di dushi, softdrinks, ice-cream y revistas.

**PEPIÑA**

with compliments of

OFICINA MARITIMA DE ARUBA

DOCUMENTATION & TRANSPORTATION

FOR INCOMING, LOCAL & OUTGOING CARGOES BY AIR, SEA AND LAND

**DICK TRACY**

presenta pa cortesia di:

VICTORIA BOTTLING COMPANYPEPSI-COLA---SEVEN UP---GRAPETTE-KIST---VICTORIA SODA WATER---
BUFFALO ROCK--GINGER ALE---**HOROSCOPO PERSONAL**

ARIES-21 de marzo-20 de abril- No permita que su deseo de dirigir las cosas haga que muestre su naturaleza imperiosa. No adopte una actitud altanera pues podría perder a sus amigos.

TAURO-21 de abril-21 de mayo- Piense bien las cosas antes de hacerlas. De lo contrario lo lamentará mucho.

GEMINIS-22 de mayo-21 de junio- La impulsividad podría llevarlo a toda clase de dificultades. Domine sus emociones, especialmente cuando responde a lo que escucha.

CANCER-22 de junio-23 de julio- La mejor manera de salirse de una situación difícil es por medio de una evasiva. Manténgase alerta.

LEO-24 de julio-23 de agosto- Rodéese de personas que lo respetan y admiran. Este no es un día para retar a sus enemigos.

VIRGO-24 de agosto-23 de septiembre- No permita que su amor por lo dramático lo haga apartarse del corazón del asunto.

LIBRA-24 de septiembre-23 de octubre- Las actividades sociales bien podrían interferir en sus asuntos mercantiles hoy. Sería mejor no aceptar una invitación que lo pudiera alejar del deber.

ESCORPION-24 de octubre-22 de noviembre- Haga un esfuerzo para racionalizar las desilusiones. De otra manera tal se encuentre cediendo a humores de depresión incapacitadores.

SAGITARIO-23 de noviembre-22 de diciembre- Trate de encontrar una base común sobre la cual Ud. y su familia puedan llegar a un acuerdo. El estar divididos ahora podría causar un desastre.

CAPRICORNIO-24 de diciembre-20 de enero- Esta es un día en que Capricornio tal vez encuentre la oportunidad de tomar las riendas. Sin embargo, tiene que recordar que se necesita inteligencia para conservarlas.

ACUARIO-21 de enero-19 de febrero- Hoy es un buen día para reunir material que necesita para su nuevo proyecto. No permite que surja el tema del fracaso.

PISCIS-20 de febrero-20 de marzo- Quizá sea muy realista adoptar una actitud severa acerca de los actuales problemas. Trate de ver el lado optimista de las cosas.

WILLIAMS OPERA NA NIER

(Di Nos Redactor Deportivo)

E pugilista di peso completo Cleveland Williams a worde opera na su nier y e dokternan a declara cu e tabayendo masha bon. Nan ta sigur cu e lo recuperato-talmente sin problema algun.

E operacion tabata necesario pa alivia e estado cu e nier a keda aden como resultado di tiro di revolver cu dia 28 di november el a ricibi den un problema cu polis. Williams a worde deteni, pero a lucha pa skapa y den e luchamento e tiro a sali for di e revolver di e polis y drenta banda robes di curpa di e pugilista. El lo tin di worde opera un biaha mas y talvez tin di keda un luna mas den hospital. E Asociacion Mundial di Boxeo tabata tin e pugilista aki den e segundo puesto di su clasificacion, pero debi na e incidente, el a worde kita e derecho di continua su carrera boxistica.